

- visokoškolskim ustanovama, kao i naučnoistraživačkim institutima kao ustanovama na području Kantona.
- (10) Ministarstvo će u roku od 30 dana od dana stupanja na snagu ovog zakona donijeti pravilnik iz čl. 19. stav (8), 29. stav (1) i 30. stav (1) ovog zakona.
- (11) Postupak provjere ispunjenosti uslova iz člana 19. stav (1) ovog zakona za institute koji su osnovani prije stupanja na snagu ovog zakona Ministarstvo provodi nakon proteka roka od tri godine od dana stupanja na snagu ovog zakona.

Član 38.  
(Prestanak primjene)

Danom stupanja na snagu ovog zakona prestaje primjena Zakona o naučnoistraživačkoj djelatnosti ("Službene novine Kantona Sarajevo", broj 10/04).

Član 39.  
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-20035/16  
30. maja 2016. godine  
Sarajevo

Predsjedateljica  
Skupštine Kantona Sarajevo  
Prof. **Ana Babić**, s. r.

Na osnovu člana 38. stav (1) Ustava Kantona Sarajevo, Amandmana XXXII na Ustav Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 31/04), čl. 67. do 71. Zakona o budžetima u FBiH ("Službene novine Federacije BiH", br. 1102/13, 9/14, 13/14, 8/15, 9/15 i 102/15), čl. 40. stav (5) i 41. Zakona o dugu, zaduživanju i garancijama u FBiH ("Službene novine Federacije BiH", br. 86/07, 24/09 i 44/10) i Poglavlja II tač. 11. i 12. Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija ("Službene novine Kantona Sarajevo", br. 10/11), Skupština Kantona Sarajevo na sjednici, održanoj dana 28.06.2016. godine, donijela je

## ODLUKU

### O PRIHVATANJU ZADUŽENJA PO SPORAZUMU O FINANSIRANJU IZMEĐU BOSNE I HERCEGOVINE I MEĐUNARODNE ASOCIJACIJE ZA RAZVOJ (IDA) ZA REALIZACIJU PROJEKTA ENERGETSKA EFIKASNOST ZA BiH

#### I

Prihvata se zaduženje Kantona Sarajevo (u daljem tekstu: Kanton) po osnovu Sporazuma o finansiranju između Bosne i Hercegovine i Međunarodne asocijacije za razvoj (u daljem tekstu: IDA) i Supsidijarnom sporazumu između Bosne i Hercegovine i Federacije BiH za realizaciju Projekta energetska efikasnost za BiH, u iznosu od 1.175.700,00 KM.

#### II

Sredstva kredita po Sporazumu iz tačke I ove odluke namijenjena su za finansiranje unaprijedenja energetske efikasnosti na objektima javnih ustanova iz nadležnosti Ministarstva obrazovanja, nauku i mlade Kantona Sarajevo, a nalaze se na Listi objekata koju je sačinila Implementacijska jedinica projekta za FBiH za prvu godinu implementacije, i to:

- JU OŠ "Zahid Baručija", Vogošća
- JU OŠ "Hašim Spahić", Ilijaš
- JU OŠ "Srednje" Ilijaš

#### III

Kreditna sredstva iz tačke I ove odluke prihvataju se u formi vanjskog indirektnog duga, pod sljedećim uslovima:  
iznos zajma . . . . . 1.175.700,00 KM

rok otplate . . . . . do 10 godina  
grace period . . . . . do 3 godine  
maksimalna stopa troškova održavanja kredita 0,5% godišnje  
servisni troškovi . . . . . 0,75% godišnje  
kamatna stopa . . . . . 1,25% godišnje  
dospjeća . . . . . polugodišnja (15.02. i 15.08.)

#### IV

Potvrđuje se da je razmatrana dokumentacija prihvatljiva za Kanton:

- usaglašen zapisnik sa pregovora
- dodatak usaglašenom zapisniku sa pregovora
- Sporazum o finansiranju između BiH i Međunarodne asocijacije za razvoj (IDA)
- Supsidijarni sporazum između Bosne i Hercegovine i Federacije BiH
- Projektni sporazum između Međunarodne asocijacije za razvoj (IDA) i Federacija BiH

#### V

Kreditna sredstva iz tačke I ove odluke, Federacija će posebnim podugovorom prenijeti na Kanton Sarajevo. Navedenim podugovorom Federacija BiH će prenijeti prava i obaveze na Kanton pod uslovima definisanim Zaključkom Upravnog odbora Projekta, a u skladu sa odredbama Sporazuma.

#### VI

Daje se saglasnost za zaključivanje podgovora o kreditu po Projektu iz tačke I ove odluke između Federacije BiH i Kantona, za kredit iz tačke I ove odluke.

Ovlašćuje se Premijer Vlade Kantona Sarajevo da potpiše podugovor o kreditu sa Federacijom Bosne i Hercegovine.

#### VII

U svrhu redovne otplate kredita, Kanton je saglasan da Federacija, u slučaju neredovnog ispunavanja obaveza po Kreditu, bez upozorenja može dospjele obaveze direktno naplatiti sa računa javnih prihoda, i to iz dijela prihoda koji pripadaju Kantonu Sarajevo Kanton se obavezuje da će u svrhu naplate svih potraživanja po ovom Kreditu, Federaciji dostaviti bjanko mjenice. Kanton ovlašćuje Federaciju da primljene bjanko mjenice može koristiti za naplatu dospjelog potraživanja.

#### VIII

U periodu dospjeća obaveza po Kreditu potrebno je osigurati sredstva iz budžeta Kantona za servisiranje obaveza po kreditu.

U toku implementacije Projekta, u Budžetu Kantona Sarajevo potrebno je obezbijediti sredstva za sufinansiranje istog.

#### IX

Implementacija Projekta realizovat će se putem Ministarstva za obrazovanje, nauku i mlade.

#### X

Za realizaciju ove odluke i izvještavanje po istoj zadužuju se Ministarstvo za obrazovanje, nauku i mlade i Ministarstvo finansija, svako u okviru svoje nadležnosti.

#### XI

Implementacija Sporazuma, iz tačke I ove odluke, ne zahtijeva donošenje novih ili izmjenu postojećih zakona.

#### XII

Ova odluka stupa na snagu narednog dana od dana objavljivanja u "Službenim novinama Kantona".

Broj 01-05-22435/16  
28. juna 2016. godine  
Sarajevo

Predsjedateljica  
Skupštine Kantona Sarajevo  
Prof. **Ana Babić**, s. r.